

## **Криминалистика пәні бойынша СОӘЖ орындау және реферат жазуға әдістемелік нұсқау**

Бұл жұмысты (реферат) жазудағы студенттің алдына қойылатын жалпы міндет пен мақсаттың өзіндік ерекшеліктері бар. Жұмысты жазуда, арнайы оқулықтармен ғана шектеліп қоймай, студент өзі тұратын жерде болған қылмыстық істерді оқып, тергеу практикасын пайдалана білуі қажет. Бұл келтірілген сот немесе тергеу тәжірибесі, осы аудандағы, облыстағы аталған қылмыс түрімен күрес жүргізуде қандай нәтижелер берді, СӨЖ тапсырмаларында және реферат жұмыста мысал ретінде жазылуы тиіс.

Жұмысқа пайдалану үшін зерттелген ізденистер тізімі қолданылған әдебиеттерден кейін тіркеледі.

Қортындыда студент әрбір танысқан іс бойынша тергеу жүргізу кезінде тактикалық дұрыс шешілген мәселені, сондай-ақ тергеушінің техникалық құралдар мен әдіс-тәсілдерді қолдануда кеткен кемшіліктерді көрсетеді.

Рефераттың бірінші бетінде баяндалатын тақырыпқа сәйкес жұмыс жоспары құрылады. Криминалистика пәнінен реферат жұмыс жазуда, студенттердің көпшілігі мазмұны жағынан негізгі тақырыптан әлдеқайда ауытқуы байқалады, осы кемшіліктерді болдырмауға баса назар аударылуы қажет.

Жұмысты жазу барысында міндетті түрде ғылыми деректерге сүйеніп, жұмыстың атауын, қолданылған әдебиеттердің шығарылған баспасын, жылын және бетін нақты көрсетіп жазу керек.

Егер оқулықта баяндалатын мәселе туралы әртүрлі көзқарастар, пікірлер болса, онда студент олардың әрқайсысын дәлел ретінде көрсетін, өзінің қай көзқарасқа қосылатынын не қосылмайтынын білдіреді.

## **Криминалистика пәні бойынша альбом орындауға әдістемелік нұсқау.**

Студент бақылау жұмысын орындастан бұрын, криминалистика пәні бойынша ұсынылған оқу бағдарламасына сәйкес әдебиеттерді, сондай-ақ қосымша басқа да ғылыми материалдарды оқып зерттеуі қажет.

Ұсынылып отырған тапсырмалар тек қана теориялық білімді талап етіп қана қоймай, сонымен қатар әртүрлі объектілерді (айғақты заттарды, дәлелдерді) ізделеп тауып бекіту, алу және зерттеу үшін пайдаланатын криминалистік әдістер мен тәсілдерді, оған қажет техникалық құралдарды тәжірибе жүзінде қолдана алын талап етеді. Сондықтан да жұмыс барысында тәжірибелік біліктігін арттыру үшін студент бар мүмкіншілігін пайдалануы керек.

Сондай-ақ, фотоаппараттың құрылышын, оның тергеу үстінде қолдану міндеттеріне байланысты тәсілдері мен әдістерін жете менгеруі қажет.

Бақылау жұмысы қолжазба түрінде мектеп, сурет дәптері немесе стандартты ақ қағазға орындалады.

Берілген тапсырма бойынша фотосуреттер 9x15 немесе 10x15 форматымен дайындалады және сурет шарты бойынша қағаз бетіне

жапсырылады. Жапсырылған жеке қалташада әрбір түсірілген суреттің негативі қоса тіркеледі. Түсірілген суреттің сапасы, сот-оперативті суретінің талабына сай келуі керек.

Тапсырмалар берілген реті бойынша орындалуы керек. Әр жауап алдында тапсырмалар шарты толық түрде көрсетілуі қажет.

Бақылау жұмысына берілетін рецензияда, ұсынылған тапсырмаға берілген жауаптың толық орындалу мазмұны және оны орындаудың барлық шартын сақтауы ескеріліп, осының бәріне баға беріледі.

### СОӘЖ дайындалу үшін материалдарды зерделеу кестесі

№	Тақырыптардың атауы және СОӘЖ тапсырмаларының мазмұны	тапсыру мерзімі	бақылау нысаны және баллдар
	<b>Идентификация мен диагностика</b> Идентификацияның түсінігі, ғылыми негізі, маңызы, түрлері, объектілері. <b>Диагностиканың түсінігі, объектілері, маңызы.</b>	3 апта	Конспект 15 бал
	<b>Суық қарутану мен жарылғыштану</b> Суық қарутанудың түсінігі, түрлері. <b>Жарылғыштанудың түсінігі, түрлері.</b>	5 апта	Конспект 15 бал
	<b>Дәстүрлі емес криминалистикалық техниканың бағыттары</b> Заттар, бүйымдар мен материалдарды криминалистикалық зерттеу. Криминалистикалық одорология. Бейнефонографиялық зерттеу.	7 апта	Сұрақтарды ауызша талқылау 15 бал
	<b>Криминалистикалық тактиканың жалпы ережелері</b> Тактикалық әдіс. Тактикалық комбинация. Тактикалық операция. Тергеу ситуациясы. Тактикалық шешім.	9 апта	Конспект 15 бал
	<b>Салыстырмалы үлгілерді алу тактикасы</b> Салыстырмалы үлгілердің түсінігі, түрлері. Салыстырмалы үлгілерді арудың ережелері. Салыстырмалы үлгілерді алу нәтижесін бекіту.	11 апта	Хаттама толтыру 15 бал
	<b>Криминалистикалық болжаулар және тергеуді жоспарлау</b> Криминалистикалық болжаулар. Тергеуді жоспарлау.	13 апта	Жазбаша тергеу жоспарын құрастыру 15 бал
	<b>Экологиялық қылмыстарды тергеу.</b> Экологиялық қылмыстардың криминалистік сипаттамасы. Қылмыстық қол сұғу затының ерекшеліктері. Экологиялық қылмыстар бойынша типтік тергеу ситуациялары және тергеудің алғашқы кезеңі.	15 апта	Реферат 15 бал

